

- Izvještaj o radu Uprave policije MUP-a Kantona Sarajevo za 2012. godinu -

KRIMINALITET

Stanje kriminaliteta na području Kantona Sarajevo u toku 2012. godine karakteriše pozitivan trend smanjenja broja registrovanih krivičnih djela, kao i broja njihovih izvršilaca u odnosu na 2011. godinu. Naime, u 2012. godini registrovano je izvršenje **6.879 krivičnih djela**, što je za **306 ili 4,3% manje** u odnosu na prethodnu godinu, a za čije izvršenje je prijavljeno 3.447 lica (130 ili 3,6% manje).

Posmatrano kroz statističke pokazatelje, u toku 2012. godine u odnosu na 2011. godinu došlo je do smanjenja broja registrovanih krivičnih djela djela za 4,3%, prijavljenih lica za 3,6%, maloljetnih izvršilaca za 13%, povratnika u činjenju krivičnih djela za 3,1% i lica lišenih slobode za 5,6%.

U 2012. godini, registrovano je 6.879 krivičnih djela, što je za 306 djela ili 4,3% manje u odnosu na prethodnu godinu.

U 2.091 slučaju (30,4% od ukupnog broja krivičnih djela), krivična djela su izvršena od strane poznatih izvršilaca, a 4.788 krivičnih djela (ili 69,6%), prijavljeno je po nepoznatom izvršiocu, od kojih su za 2.171 naknadno identifikovani počinioci (ili 45,3% od ukupnog broja prijavljenih djela po nepoznatom izvršiocu).

Iz naprijed navedenog proizilazi da su pripadnici Uprave policije u toku 2012. godine, za ukupno 4.262 krivična djela identifikovali osumnjičene izvršioci ili 62% što je za 0,3% manje u odnosu na prethodnu godinu.

U 2012. godini nadležnim tužilaštvima podneseno je ukupno 6.819 službenih izvještaja (270 manje) protiv 3.447 lica, od kojih je 2.279 povratnika (ili 66,1% prijavljenih), a 1.453 lica su lišena slobode (ili 42,2%).

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom 2012. godine prijavljena su 223 krivična djela protiv života i tijela (26 više u odnosu na 2011. godinu) od kojih je za 214 ili 96% poznat učinilac (za 2,6% više).

Zbog postojanja osnova sumnje da su počinili djela iz ove oblasti podneseni su službeni izvještaji protiv 262 lica (isti broj), a 100 je lišeno slobode (12 manje).

Evidentirana su slijedeća krivična djela: - ubistvo iz člana 166. KZFBiH-a – pet djela (jedno više), ubistvo u pokušaju – 17 djela (dva manje), ubistvo u pokušaju u pomaganju – jedno djelo (nije bilo ovog djela), teška tjelesna ozljeda – 121 (11 više), lahka tjelesna ozljeda – 67 (13 više) i učestvovanja u tuči – 12 djela (jedno više).

Krivična djela **ubistva** izvršena su upotrebom upotrebom noža – tri puta, vatrenog oružja i tvrdog predmeta – po jednom. Sva navedena krivična djela su rasvijetljena, izvršioci identifikovani i protiv istih su preduzete zakonom predviđene mjere.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 221 djelo (23 manje) i to: ugrožavanje sigurnosti – 216 djela, protupravno lišenje slobode i narušavanje nepovredivosti doma – po dva i otmica – jedno djelo. Zbog izvršenja navedenih djela prijavljeno je 217 lica od kojih je 138 povratnika u činjenju krivičnih djela (ili 63,6%), a 55 je lišeno slobode. Sva djela ugrožavanja sigurnosti počinjena su upućivanjem verbalnih prijetnji koje su izazvale uznemirenje oštećenih.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je 14 djela (12 manje) i to: bludne radnje – 10 djela, silovanje – tri i zadovoljenje pohote pred djetetom ili maloljetnikom – jedno djelo. Za izvršenje djela iz ove oblasti prijavljeno je 15 lica, koja su uz službene izvještaje predata nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 236 krivičnih djela (14 više) i to: nasilje u porodici – 232, izvanbračna zajednica sa mlađim maloljetnikom i oduzimanje djeteta ili maloljetnika – po dva djela. Službeni izvještaji podneseni su protiv 238 lica od kojih su 122 lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi prijavljena su 322 krivičnih djela (67 više) i to:

- neovlašćena proizvodnja i stavljanje u promet opojnih droga – 52 djela (četiri više) i
- posjedovanje i omogućavanje uživanja opojnih droga – 270 djela (63 više).

Zbog postojanja osnova sumnje da su ih počinili podneseni su službeni izvještaji protiv 334 lica (55 više), od kojih je 213 povratnika ili 63,8%, a 184 je lišeno slobode (68 više). Po nalogu tužilaca Kantonalnog tužilaštva Kantona Sarajevo podnesena su 193 zahtjeva (18 manje) za vještačenje nepoznate materije koja asocira na drogu.

Takođe s ciljem pronalaženja narkotičkih sredstava izvršen je pregled 149 lica (14 više), 69 stambenih objekata (jedan više) i većeg broja automobila po usmenim naredbama Opštinskog suda u Sarajevu.

VRSTA OPOJNE DROGE	2012.GODINA	2011. GODINA
Marihuana (u gramima)	41.369,27	67.365,00
Marihuana (paketići)	346	447
Marihuana (JOINT - cigarete)	24	18
Heroin (paketići)	94	40
Heroin (u gramima)	2.939	2.785,00
Amfetamin (paketići)	93	158
Amfetamin (u gramima)	427	3.982,00
Cannabis (stabljike)	42	24
Cannabis (sjemenke)	3	---
Kokain (u gramima)	10	35

Kokain (paketići)	6	26
Ecstasy (tablete)	---	28
Mix masa za Heroin (u gramima)	---	6.000,00
vaga sa tragovima droge (komada)	---	9
Pribor sa ostacima droge (komada)	76	61

U 2012. godini pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, u kojim su zaplijenili veće količine opojnih droga (Marihuana - 41,3 kg, Heroin - 2,9 kg, Amfetamin – 0,4 kg, itd.) identifikovana i slobode lišena 62 lica (iz člana 238. KZ FBiH-a – neovlašćena proizvodnja i stavljanje u promet opojnih droga).

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljeno je pet djela (deset manje) i to: prijevvara u privrednom poslovanju – tri i obmana pri dobijanju kredita ili drugih pogodnosti – dva djela, za čije izvršenje su prijavljena tri lica.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to: prijevvara – 20, pronevjera u službi – devet, nesavjestan rad u službi i krivotvorenje novca – po četiri, prijevvara u privrednom poslovanju – tri, prikrivanje – dva, itd., a koja su prijavljena i zadokumentovana tokom 2012. godine, od strane Odjeljenja za privredni kriminal, nastupila je materijalna šteta u ukupnom iznosu od 516.488,75 KM.

KRIVIČNA DJELA PROTIV IMOVINE

U ovoj oblasti registrovana su 5.142 djela što je za 313 ili 5,7% manje. Broj krivičnih djela iz ove oblasti čini 74,7% ukupnog kriminaliteta što predstavlja smanjenje u odnosu na 2011. godinu za 1,2%, kada su „imovinski delikti“ činili 75,9% ukupnog kriminaliteta. Najbrojnija djela iz ove oblasti su: teške krađe – 3.295 (358 manje), krađe – 801 (27 više), teška krađa u pokušaju –78 (38 manje), razbojništvo – 534 (92 više), oštećenje tuđe stvari – 195 (jedno manje), prijevvara – 65 (10 manje), utaja – 59 (devet više), razbojnička krađa – 11 (četiri više), iznuda - šest (osam manje), itd.

Za ukupno 2.599 djela ili 50,5% identifikovan je osumnjičeni počinitelj, što je u odnosu na prethodnu godinu, smanjenje za 1,5%.

Objekti vršenja krivičnih djela protiv imovine najčešće su bila motorna vozila (otuđenja vozila i „provale“ u ista) – 1.285 (120 više), stambeni objekti –1.103 puta (300 manje), poslovni prostori i prodavnice – 598 (133 manje), ulica – 220 (74 manje) i ostali objekti – 89 puta (29 više), pri čemu je otuđivan novac, motorna vozila, tehnička roba, zlatni nakit, auto-dijelovi, cigarete, prehrambeni proizvodi, itd.

Tokom 2012. godine na području Kantona Sarajevo izvršeno je 789 krivičnih djela teških krađa motornih vozila, od čega su 243 ili 30,8% pronađena i vraćena. Od strane policije MUP Kantona Sarajevo vraćeno je 119 vozila, MUP RS-a – 33, drugih MUP-ova – osam, uz novčanu nadoknadu - sedam, a 76 vozila vlasnici su sami pronašli.

U odnosu na uporedni period broj otuđenih vozila, povećan je za 232 vozila ili 41,7% .

Policijski službenici su u 2012. godini, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv 71 lica (18 manje), a zbog postojanja osnova sumnje da su počinili krivično djelo iznude

novca za otkup ukradenih vozila podneseni su službeni izvještaj protiv sedam lica (dva manje).

Zbog postojanja osnova sumnje da su počinili ukupno 568 krivičnih djela razbojništva, razbojničke krađe, pokušaj i pomaganja istih službenici policije su Kantonalnom tužilaštvu podnijeli službene izvještaje protiv ukupno 240 lica (62 više) od kojih je 196 povratnika u vršenju krivičnih djela (ili 81,7%), a 126 je lišeno slobode (10 više).

Razbojništva i razbojničke krađe su najčešće činjena na ulici, u prodavnicama, sportskim kladionicama, a predmeti otuđenja su uglavnom bili mobiteli, novac, nakit, tašne, itd. Prema načinu izvršenja, najveći broj razbojništava i razbojničkih krađa izvršen je prijetnjom upotrebe noža, zatim prijetnjom pištoljem i upotrebom fizičke snage.

Za ukupno 233 ova djela ili 43,6% identifikovan je osumnjičeni počinitelj što je za 2,6% manje.

Nasilno oduzimanje mobitela i nakita direktno se odražava i na broj teških krađa na naročito opasan ili naročito drzak način. U ovom periodu evidentirano je 379 djela ove vrste (46 manje), od čega je za 263 ili 69,4% poznat učinilac, što je 7,3% više u odnosu na prethodnu godinu. Za izvršenje ovih oblika teških krađa, prijavljena su 144 lica, od kojih je 121 povratnik (ili 84%), a 69 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 128 djela (23 manje) i to: izazivanje opće opasnosti – 107 djela (29 manje), nesavjesno čuvanje pasa i drugih opasnih životinja – 14, teška djela protiv opće sigurnosti ljudi i imovine – četiri, izazivanje opće opasnosti u pomaganju – dva i izazivanje opće opasnosti u pokušaju - jedno djelo.

Krivična djela izazivanja opće opasnosti izvršena su na otvorenom prostoru – 90 puta, u stambenom i u ugostiteljskom objektu – po šest, u poslovnim prostorijama – tri, sportskoj dvorani i u podrumskim prostorijama – po jednom. U 16 slučajeva aktivirana je nepoznata eksplozivna naprava, 47 puta je pucano iz vatrenog oružja i u 38 slučaju je otvorenim plamenom izazvan požar. Posljedica izvršenja navedenih djela je ranjavanje 11 lica i nastala materijalna šteta.

Za ukupno 72 djela izazivanja opće opasnosti ili 67,3% identifikovani su osumnjičeni izvršioc (5,6% više).

Zbog postojanja osnova sumnje da su počinili krivična djela iz ove oblasti nadležnom tužilaštvu podneseni su službeni izvještaji protiv 92 lica, od čega su 63 povratnika (ili 68,5%), a 57 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 355 krivična djela (jedno više) i to: nasilničko ponašanje - 179 djela, nedozvoljeno držanje oružja ili eksplozivnih materija – 48, skidanje ili povreda službenog pečata ili znaka – 45, krivotvorenje isprave – 34, napad na službenu osobu u vršenju poslova sigurnosti – 28, itd.

Zbog postojanja osnova sumnje da su počinili ova djela, nadležnom tužilaštvu podneseni su službeni izvještaji protiv 398 lica, od kojih je 245 povratnika (ili 61,6%), a 160 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku 2012. godine **prijavljeno je 208 maloljetnih lica** zbog osnova sumnje da su samostalno ili u grupi **izvršili 349 krivičnih djela**. U poređenju sa 2011. godinom, broj krivičnih djela za čije izvršenje su prijavljena maloljetna lica smanjen je za 141 ili 28,8%, a broj prijavljenih maloljetnih počinitelja ovih djela smanjen je za 31 ili 13%. Međutim, smanjenje broja krivičnih djela za čije izvršenje su prijavljeni maloljetnici odnosi se uglavnom na krivična djela protiv imovine (smanjenje za 31,7%), dok je broj najtežih krivičnih djela, odnosno djela protiv života i tijela neznatno smanjen (za dva ili 6,9%).

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih počinitelja krivičnih djela u protekloj 2012. godini, može se konstatovati da su maloljetnici najveći broj krivičnih djela izvršili na području **općina Centar (70 ili 20,1%), Novo Sarajevo (69 ili 19,8%) i Novi Grad (62 ili 17,8%)**.

Među maloljetnim počiniocima krivičnih djela, najveći broj je u dobi od 14 do 16 godina (90), dok je povratnika u izvršenju krivičnih djela 73 (ili 35,1%).

Starosna struktura maloljetnika	do 14 godina	od 14 do 16	od 16 do 18	ukupno
Broj maloljetnih počinitelja	29	90	89	208

Podaci sa kojima raspoložemo ukazuju na raznolikost krivičnih djela za koja su prijavljeni maloljetnici, ali su ipak **najbrojnija krivična djela protiv imovine-261 (ili 74,8%)**, pri čemu prevladavaju teške krađe (107 ili 41%). U odnosu na 2011. godinu, u toku 2012. godine smanjen je broj krivičnih djela razbojništva (za 32 ili 50%), teških krađa (za 41 ili 27,7%) i teških krađa na naročito drzak i opasan način (za 30 ili 42,9%).

Iz oblasti **protiv života i tijela** izvršeno je **27** djela od strane maloljetnih lica (dva ili 6,9% manje u odnosu na 2011. godinu), a radi se o ubistvu u pokušaju (tri djela), nanošenju teške tjelesne povrede (14 djela), nanošenju lahke tjelesne povrede (osam djela) i učestvovanju u tuči (dva djela). U odnosu na 2011. godinu, broj ubistava u pokušaju povećan je za jedan, broj teških tjelesnih povreda smanjen je za tri, dok je broj krivičnih djela lakih tjelesnih povreda i učestvovanja u tuči ostao isti.

Zbog krivičnog djela **nasilničkog ponašanja** podneseno je **18** službenih izvještaja (tri ili 14,3% manje u odnosu na 2011. godinu), a zbog **izazivanja opće opasnosti** podnesena su **tri** službena izvještaja (sedam ili 70% manje). Takođe, maloljetna lica su izvršila dva krivična djela napada na službenu osobu u vršenju poslova sigurnosti i jedno djelo sprečavanja službene osobe u vršenju službene radnje (u toku 2011. godine nijedno).

U protekloj godini podneseni su službeni izvještaji nadležnom tužilaštvu protiv 19 maloljetnih lica zbog krivičnog djela posjedovanja i omogućavanja uživanja opojnih droga (osam ili 72,7% više u odnosu na 2011. godinu), a protiv tri maloljetnika podneseni su službeni izvještaji zbog krivičnog djela neovlašćene proizvodnje i stavljanja u promet opojnih droga (povećanje za dva ili 200%).

Pregled registrovanih krivičnih djela izvršenih od strane maloljetnih lica
u toku 2012./2011. godine

Naziv krivičnog djela	2012. god.	2011. god.	Uporedba
Izazivanje narod., rasne i vjerske mržnje, razdora ili netrpe.	0	1	-1 ili -100%
Ubistvo u pokušaju	3	2	+1 ili 50%
Teška tjelesna povreda	14	17	-3 ili -17,6%
Lahka tjelesna povreda	8	8	0
Učestvovanje u tuči	2	2	0
Ugrožavanje sigurnosti	6	17	-11 ili -64,7%
Bludne radnje	0	1	-1 ili -100%
Iskorištavanje djeteta ili maloljetnika radi pornografije	0	2	-2 ili -100%
Nasilje u porodici	0	5	-5 ili -100%
Neovlaš. proizvod. i stav. u promet opojnih droga	3	1	+2 ili 200%
Posjedov. i omoguć. uživanja opoj. droga	19	11	+8 ili 72,7%
Krađa	55	57	-2 ili -3,5%
Krađa-pokušaj	1	0	+1
Krađa-pomaganje	1	0	+1
Teška krađa	107	148	-41 ili -27,7%
Teška krađa-pokušaj	9	17	-8 ili -47,1%
Teška krađa na naročito drzak i opasan način („drska“k.)	40	70	-30 ili -42,9%
„Drska“ krađa-pokušaj	1	0	+1
„Drska“ krađa-saučiniteljstvo i pomaganje	0	3	-3 ili -100%
Razbojništvo	32	64	-32 ili -50%
Razbojništvo- pokušaj	1	5	-4 ili -80%
Razbojništvo-pomaganje	1	1	0
Razbojnička krađa	1	0	+1
Oštećenje tuđe stvari	11	14	-3 ili -21,4%
Utaja	0	2	-2 ili -100%
Prijevarena	1	0	+1
Prikrivanje	3	1	+2 ili 200%
Paljevina	1	1	0
Izazivanje opće opasnosti	3	10	-7 ili -70%
Pomoć učitelju poslije učinjenog krivičnog djela	0	1	-1 ili -100%
Dogovor za učinjenje krivičnih djela	1	0	+1
Lažno prijavljivanje	2	0	+2
Sprečavanje službene osobe u vršenju službene radnje	1	0	+1
Napad na službenu osobu u vršenju poslova sigurnosti	2	0	+2
Nasilničko ponašanje	18	21	-3 ili -14,3%
Nedozvoljeno držanje oružja i eksplozivnih materija	1	0	+1
Krivtvođenje isprave	0	2	-2 ili -100%
Povreda mira pokojnika	0	2	-2 ili -100%
ZONDINOM (čl. 52)	1	4	-3 ili -75%
ukupno	349	490	-141 ili -28,8%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku 2012. godine na području **Kantona Sarajevo** registrovan je **21 slučaj aktiviranja minsko-eksplozivnih sredstava** što u odnosu na 2011. godinu predstavlja smanjenje za

12 ili 36,4%. Od posljedica eksplozija jedno lice je smrtno stradalo (samoubistvo), jedno je teže povrijeđeno (nepažnja), dok je jedno lice lakše povrijeđeno (samopovređivanje), a pričinjena je i materijalna šteta na stambenim i poslovnim objektima i na putničkim vozilima. Eksplozije su se dogodile na području općina: Centar-osam, Novi Grad -pet, Stari Grad- tri, Novo Sarajevo-dvije, te Ilidža, Hadžići i Ilijaš-po jedna. U šest slučajeva namjernog izazivanja eksplozija počinioci su identifikovani i protiv njih su preduzete zakonske mjere. Takođe, početkom 2012. godine identifikovana su tri lica koja su u mjesecu junu 2011. godine aktivirala eksplozivnu napravu ispod putničkog vozila na području općine Stari Grad.

U proteklom periodu prijavljena su dva slučaja bacanja eksplozivnih sredstava u sportsku kladionicu i na javno stepenište, kao i postavljanje ručne bombe na putničko vozilo i u dvorište porodične kuće, koje se nisu aktivirale, te četiri slučaja bacanja flaše sa zapaljivom materijom na putnička vozila i u ugostiteljske objekte, zbog čega je u dva slučaja izazvan požar.

Registровано je 20 anonimnih dojava o postavljenoj eksplozivnoj napravi (30 ili 60% manje u odnosu na 2011. godinu) od kojih se većina odnosila na srednje škole na području Kantona Sarajevo. Nakon izvršenog KDZ pregleda utvrđeno je da su dojave bile lažne. Preduzimajući aktivnosti na otkrivanju slučajeva anonimnih dojava u protekloj godini, policijski službenici su identifikovali pet lica i protiv njih su preduzete zakonske mjere.

POŽARI

U toku 2012. godine, na području Kantona Sarajevo registrovan je 171 požar (14 više) sa materijalnom štetom.

Prema statističkim pokazateljima, 90 požara je izazvano namjerno, 18 zbog tehničkih nedostataka, šest nehatom, dok uzrok 57 požara spada u kategoriju ostalih.

SAMOUBISTVA

U 2012. godini na području Kantona Sarajevo registrovano je 40 samoubistava (pet više), počinjena od strane 27 muškarca i 13 žena i to na slijedeće načine: vješanjem – 27 puta, skakanjem sa visine – četiri, upotrebom vatrenog oružja – tri, trovanjem - dva, presijecanjem vena, bacanjem pod voz, strujnim udarom i aktiviranjem ručne bombe – po jednom.

Prema dobi, izvršiocu su tri lica u dobi od 21-30 godina, 14 u dobi od 31 do 50 godina i 22 lica u dobi preko 50 godina.

JAVNI RED I MIR

Policijski službenici su u toku 2012. godine, zbog narušavanja javnog reda i mira na području Kantona Sarajevo uručili/podnijeli ukupno **5.129 prekršajnih naloga i zahtjeva** za pokretanje prekršajnog postupka (naloga – 3.324, zahtjeva – 1.805) Prekršajne sankcije su preduzete **protiv 5.662 lica**. U odnosu na 2011. godinu broj prekršajnih naloga i zahtjeva smanjen je za 1.605 ili 23,8%, a broj lica protiv kojih su preduzete prekršajne sankcije smanjen je za 1.708 ili 23,2% Od ukupnog broja evidentiranih prekršaja, 4.586 ili 89,4% odnosi se na prekršaje utvrđene Zakonom o

prekršajima protiv javnog reda i mira, a 543 ili 10,6% na prekršaje prema Odluci općinskih vijeća.

Pregled broja uručenih/podnesenih naloga i zahtjeva za pokretanje prekršajnog postupka u toku 2012. godine, po mjesecima

<i>jan.-dec. 2012.</i>	<i>prekršajni nalozi</i>	<i>zahtjevi za ppp</i>	<i>ukupno</i>
januar	289	101	390
februar	178	122	300
mart	289	168	457
april	271	170	441
maj	276	162	438
juni	290	208	498
juli	300	116	416
avgust	324	139	463
septembar	305	172	477
oktobar	284	178	462
novembar	278	163	441
decembar	240	106	346
ukupno	3.324	1.805	5.129

Prilikom narušavanja javnog reda i mira u toku 2012. godine, u slučajevima kada se radilo o prekršajima, dva lica su teže povrijeđena (u toku 2011. godine nijedno), dok je lakše povrijeđeno 386 lica (92 ili 19,2% manje).

Od ukupnog broja prekršajnih sankcija, 558 ili 10,9% se odnose na lica koja su i ranije činila prekršaje (povratnici), 126 ili 2,5% na maloljetna lica i 16 ili 0,3% na strane državljane. S obzirom na starosnu strukturu lica protiv kojih su u toku 2012. godine uručeni prekršajni nalozi i podneseni zahtjevi za pokretanje prekršajnog postupka (ukupno 5.662), najveći broj je onih starosne dobi preko 36 godina (2.814), zatim starosti između 26 i 35 godina (1.638) i između 19 i 25 godina (1.029), te maloljetnih lica (181). Karakteristično je da su učinioci prekršaja starosne dobi preko 36 godina prekršaje činili najčešće prosjačenjem (1.108 lica), dok su maloljetna lica prekršaje činila uglavnom tučama (111 lica).

Posmatrano po policijskim stanicama, najveći broj prekršajnih naloga i zahtjeva uručili/podnijeli su službenici policijskih stanica Centar (1.472 ili 28,7%), Stari Grad (1.039 ili 20,3%) i Novo Sarajevo (999 ili 19,5%). Treba istaći da se od ukupnog broja prekršajnih sankcija koje su preduzele policijske stanice Centar i Stari Grad, 1.427 ili 56,8% odnosi na prekršaje učinjene prosjačenjem, što je rezultat pojačanih aktivnosti policijskih službenika na suzbijanju ovog oblika narušavanja javnog reda i mira, koje je najizraženije na području užeg centra grada, posebno u vrijeme turističke sezone, vjerskih i drugih praznika i manifestacija.

Od **ukupno 4.586 evidentiranih** prekršaja iz Zakona o prekršajima protiv javnog reda i mira zbog kojih su u toku 2012. godine uručeni prekršajni nalozi i podneseni zahtjevi za pokretanje prekršajnog postupka, **najbrojnija su prosjačenja** - 1.701; zatim tuče -857; naročito drsko ponašanje -743; odbijanje naređenja i omalovažavanje policijskih službenika – 477; svađa, vika, nepristojno ponašanje – 128; paljenje petardi – 33; neovlaštena upotreba oružja – 2; uživanje opojne droge na javnom mjestu – 1 i ostali prekršaji iz Zakona – 644.

Tabelarni pregled strukture prekršaja iz oblasti javnog reda i mira za koja su uručeni prekršajni nalozi i podneseni zahtjevi za pokretanje prekršajnog postupka u toku 2012./2011.godine

STRUKTURA PREKRŠAJA	jan.-dec. 2012.	jan.-dec. 2011.	uporedba
-Tuče	857	1.130	-273 ili -24,2%
-Naročito drsko ponašanje	743	974	-231 ili -23,7%
-Odbijanje naređenja i omalov. služb. policije	477	506	-29 ili -5,7%
-Svađa, vika, nepristojno ponašanje	128	185	-57 ili -30,8%
-Neovlaštena upotreba oružja	2	1	+1 ili 100%
-Paljenje petardi	33	16	+17 ili 106,3%
-Prosjačenje	1.701	2.501	-800 ili -32%
-Uživanje opojne droge na javnom mjestu	1	0	+1
-Ostali prekršaji iz Zakona o JRiM	644	775	-131 ili -16,9%
Ukupno prekršaja iz Zakona o JRiM	4.586	6.088	-1.502 ili -24,7%
Prekršaji prema Odluci općinskih vijeća	543	646	-103 ili -15,9%
Ukupno svih prekršaja	5.129	6.734	-1605 ili -23,8%

U odnosu na 2011. godinu, povećan je broj prekršajnih sankcija zbog prekršaja učinjenih paljenjem petardi, neovlaštenom upotrebom oružja i uživanjem opojne droge na javnom mjestu, dok je smanjen broj prekršaja počinjenih tučama, naročito drskim ponašanjem, odbijanjem naređenja i omalovažavanjem policijskih službenika, prosjačenjem, svađom, vikom, nepristojnim ponašanjem, a smanjen je i broj ostalih prekršaja, kao i prekršaja prema Odluci općinskih vijeća.

Najveći broj prekršaja učinjen je na ulici i drugim otvorenim prostorima – 4.203 (ili 81,9%); ostalim mjestima – 417 (ili 8,1%); ugostiteljskim objektima – 323 (ili 6,3%); školama i školskim dvorištima – 70 (ili 1,4%); sportskim stadionima i dvoranama – 50 (ili 1%); trgovinskim i zanatskim radnjama – 39 (ili 0,8%) i vozilima javnog saobraćaja – 27 (ili 0,5%).

Tabelarni pregled broja uručenih/podnesenih naloga i zahtjeva iz oblasti javnog reda i mira u toku 2012./2011. godine, prema mjestu izvršenja

MJESTO IZVRŠENJA	jan.-dec. 2012.	jan.-dec. 2011.	uporedba
Ulice i drugi otvoreni prostori	4.203	5.599	-1.396 ili -24,9%
Ugostiteljski objekti	323	417	-94 ili -22,5%
Sportski stadioni i dvorane	50	16	+34 ili 212,5%
Vozila javnog saobraćaja	27	64	-37 ili -57,8%
Škole i školska dvorišta	70	51	+19 ili 37,3%
Trgovinske i zanatske radnje	39	26	+13 ili 50%
Ostala mjesta	417	561	-144 ili -25,7%
UKUPNO	5.129	6.734	-1.605 ili -23,8%

U odnosu na 2011. godinu, povećan je broj prekršajnih sankcija zbog prekršaja kojima se narušava javni red i mir na sportskim terenima, u školama i školskim dvorištima i u trgovinskim i zanatskim radnjama, dok je broj prekršaja učinjenih na svim ostalim mjestima smanjen.

Pored prekršajnih sankcija, policijski službenici su zbog krivičnih djela počinjenih u školama i školskim dvorištima nadležnom tužilaštvu podnijeli 41 službeni izvještaj (dva manje u odnosu na 2011. godinu) i to zbog sljedećih djela: ubistvo u pokušaju (jedno djelo), teška tjelesna povreda (četiri djela), lahka tjelesna povreda (tri), učestvovanje u tuči (jedno djelo), nasilničko ponašanje (pet), teška krađa na naročito drzak i opasan način (devet), krađa (tri), posjedovanje opojne droge (šest), teška krađa (dva), krivotvorenje isprave (dva), ugrožavanje sigurnosti (dva), razbojništvo (jedno), iznuda (jedno) i nesavjesnočuvanje pasa (jedno djelo).

U protekloj godini registrovan je jedan slučaj narušavanja javnog reda i mira u većem obimu tučom većeg broja navijača FK „Maribor“ iz Slovenije i nepoznatih lica sa područja Sarajeva. Prilikom razdvajanja sukobljenih strana jedan policijski službenik zadobio je teške, a drugi lahke tjelesne povrede, a oštećeno je i službeno vozilo MUP-a KS. Takođe, nastupila je materijalna šteta na nekoliko ugostiteljskih objekata.

SAOBRAĆAJ

U toku 2012 godine, stanje sigurnosti saobraćaja karakteriše povećanje ukupnog broja saobraćajnih nezgoda, broja nezgoda sa materijalnom štetom i sa nastradalim licima, dok je smanjen broj poginulih i povrijeđenih lica.

Registrovano je 9.877 saobraćajnih nezgoda (176 ili 1,8 % više), 9.052 sa materijalnom štetom (171 ili 1,9 % više) i 825 sa nastradalim licima (pet ili 0,6 % više).

U naselju je registrovano 9.497 saobraćajnih nezgoda (15 sa poginulim, 757 sa povrijeđenim licima i 8.725 sa materijalnom štetom), van naselja 380 nezgoda (pet sa poginulim, 48 sa povrijeđenim licima i 327 sa materijalnom štetom).

Registrovano je 1.578 saobraćajnih nezgoda na raskrsnicama u naselju, 12 na raskrsnicama van naselja, sedam na pješačkom prelazu, pet na prelazu preko željezničke

pruge, tri na nadvožnjaku, dvije u tunelu, jedna na mostu i 8.269 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji stanja sigurnosti saobraćaja na području Kantona Sarajevo
u toku 2012/2011.godine

	2012	2011	+,-,%
UKUPNO SAOBRAĆAJNIH NEZGODA	9.877	9.701	+ 176 ili 1,8 %
Saobraćajne nezgode sa nastradalim licima	825	820	+ 5 ili 0,6 %
Saobraćajne nezgode sa materijalnom štetom	9.052	8.881	+ 171 ili 1,9 %
POGINULO LICA	21	27	- 6 ili 22,2 %
- vozači	6	7	- 1 ili 14,3 %
- putnici	2	8	- 6 ili 75 %
- pješaci	13	12	+ 1 ili 8,3 %
POVRIJEĐENO LICA	1.046	1.063	- 17 ili 1,6 %
- vozači	474	449	+ 25 ili 5,6 %
- putnici	287	358	- 71 ili 19,8 %
- pješaci	285	256	+ 29 ili 11,3 %

U toku 2012. godine, u saobraćajnim nezgodama na području Kantona Sarajevo 1.067 lica je nastradalo (23 ili 2,1 % manje). Dvadeset jedno lice je poginulo (šest ili 22,2 % manje), dok je 1.046 lica povrijeđeno (17 ili 1,6 % manje), 170 teže i 876 lakše.

Od ukupno 21 poginulog lica, 13 je pješaka (jedan više), šest vozača (jedan manje) i dva putnika (šest manje).

Od ukupno 1.046 povrijeđenih lica, 474 su vozača (25 više), putnika – 287 (71 manje) i pješaka - 285 (29 više).

Kada je u pitanju stepen povreda, 57 vozača je teže, a 417 lakše povrijeđeno. Trideset četiri putnika su teže, a 253 lakše povrijeđena, dok je 79 pješaka teže i 206 lakše povrijeđeno.

Broj nastradalih lica u saobraćajnim nezgodama po kategoriji učesnika u toku
2012/2011. godine

	POGINULI			TEŠKO POVRIJEĐENI			LAKŠE POVRIJEĐENI		
	2012	2011	+,-,%	2012	2011	+,-,%	2012	2011	+,-,%
VOZAČI	6	7	- 1 ili 14,3 %	57	60	- 3 ili 5 %	417	389	+ 28 ili 7,2 %
PUTNICI	2	8	- 6 ili 75%	34	24	+ 10 ili 41,7 %	253	334	- 81 ili 24,2 %
PJEŠACI	13	12	+ 1 ili 8,3 %	79	67	+ 12 ili 17,9 %	206	189	+ 17 ili 9 %
UKUPNO	21	27	- 6 ili 22,2 %	170	151	+ 19 ili 12,6 %	876	912	- 36 ili 3,9 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 215 lica, od 25 do 30 godina - 176 lica, od 21 do 24 godine – 152 lica, itd.

UZROCI SAOBRAĆAJNIH NEZGODA

Osim ostalih uzroka (8.205), koji su za posljedicu imali sedam poginulih i 608 povrijeđenih lica, najčešći uzroci saobraćajnih nezgoda bili su: neprilagođena brzina – 1.446 saobraćajnih nezgoda (13 lica poginulo i 368 povrijeđeno) i uticaj alkohola – 220 (jedno lice poginulo i 65 lica povrijeđeno). Uticaj opojnih droga izazvao je tri saobraćajne nezgode u kojima je pet lica povrijeđeno, odron na putu - dvije nezgode sa materijalnom štetom i oštećenje puta - jednu nezgodu sa materijalnom štetom.

3.2. AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su u toku 2012. godine, kontrolisali ukupno 251.094 vozila (18.425 manje).

Zbog tehničke neispravnosti, iz saobraćaja je isključeno 538 vozila (55 više), 5.191 vozač je zatečen da upravlja vozilom pod dejstvom alkohola (458 manje), 11.491 bez korištenja sigurnosnog pojasa (424 manje), 3.001 bez položenog vozačkog ispita (626 više), a 2.703 vozača su učestvovala u saobraćaju bez važeće registracije (125 više).

Zbog kršenja propisa iz oblasti sigurnosti saobraćaja uručeno je 146.094 prekršajnih naloga vozačima (9.323 manje), podneseno 430 zahtjeva za pokretanje prekršajnog postupka (215 manje) i registrovano 59 krivičnih djela zbog ugrožavanja sigurnosti javnog prometa (25 manje).

MIRUJUĆI SAOBRAĆAJ I KONTROLA PJEŠAKA

Tokom 2012.godine, pripadnici Uprave policije su uručili 35.101 prekršajni nalog vozačima koji nisu poštivali saobraćajne propise prilikom parkiranja, upozorili 5.340 vozača, a specijalnim vozilom „Pauk“ premjestili 2.760 vozila. Također, upozorena su 1.084 pješaka i uručeno 1.066 prekršajnih naloga.

ZAKONITOST U RADU

U toku 2012. godine, registrovano je 28 napada na službenu osobu u vršenju poslova sigurnosti. U napadima je učestvovalo 39 lica, među kojima su dva maloljetnia i jedno nepoznato lice.

Policijski službenici su tokom izvještajnog perioda 50 puta opravdano upotrijebili silu. U toku 2012.godine, registrovane su 353 predstavke, među kojima je za 107 predstavki data saglasnost za sprovođenje unutrašnjih istraga, a za 240 je donesen zaključak da su neosnovane, u 3 slučaja stranka je odustala od žalbe, u jednom slučaju je zatraženo izjašnjenje, u jednom slučaju dostava informacije, dok se u jednom slučaju radi o zastari. Postupano je po 14 predstavki iz ranijeg perioda, tako da je vođena ukupno 121 predstavka, okončano je 109 predstavki, među kojima u 42 slučaja nije bilo dovoljno dokaza, u 33 slučaja predstavke su neosnovane, u 28 slučajeva osnovane, dok je u 6 slučajeva stranka odustala od žalbe.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U 2012. godini evidentirano je 101 krivično djelo koje su regulisana Zakonom o nabavljanju, držanju i nošenju oružja i municije (18 manje), počinjenih od strane 106 izvršioca, od kojih je 45 lišeno slobode.

Od strane Policijskih uprava fizičkim licima izdato je 765 odobrenja za nabavku vatrenog oružja (devet manje), 1.008 oružnih listova (79 više) i izvršeno 429 zamjena oružnih listova za fizička lica (123 više).

U sklopu aktivnosti na oduzimanju nelegalno posjedovanog oružja i drugih predmeta oduzeto je: 50 pušaka, 147 pištolja, 126 noževa i druga oštrih predmeta, 28 ručnih bombi, devet boksera, 3.385 kom. municije različitog kalibra, 105 petardi, itd.

Takođe, u protekloj godini organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2012" s ciljem prikupljanja minsko-eksplozivnih sredstava, oružja, municije i druge vojne opreme.

RAD POLICIJE U ZAJEDNICE

U toku 2012.godine, u okviru Rada policije u zajednici obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci djelovanja u ovoj oblasti.